

摘藻堂四庫全書薈要

集部

欽定四庫全書薈要

集部

御選歷代詩餘卷十一

詳校官編修臣汪鏞



欽定四庫全書叢要

御選歷代詩餘卷十目錄

四十四字

采桑子

南唐李煜

二首

和凝

馮延巳

十三首

歐陽修

九首

晏幾道

七首



黃庭堅
二首

謝逸

周邦彥
三首

李綱
二首

呂本中

康與之
二首

曾覲

辛棄疾
二首

陸游

黃機

韓澆

二首

楊澤民

張炎

歐良

朱藻

李清照

吳元可

何繼高

劉基

吳子孝
二首

王世貞
二首

馮鼎位
二首

後庭花
又一體

毛熙震
二首

許棐

訴衷情

又一體

晏殊

三首

謝絳

晏幾道

三首

柳永

蘇軾

黃庭堅

毛滂

蘇庠

二首

万俟雅言

唐庚

劉擬

陳允平

二首

張輯

鄭楷

僧揮

五首

吳激

王庭筠

段克己

段成己

周用

陳子龍

卜算子

蘇軾

陳師道

舒亶

王觀

秦湛

周紫芝

謝逸

陳瓘

葉夢得

徐俯

趙師俠

二首

朱敦儒

辛棄疾

范成大

二首

陳三聘

二首

葛立方

程垓 二首

程大昌

劉克莊

陸游

王炎 二首

洪咨夔

郭應祥

高觀國

韓澆 二首

沈端節

吳文英

康仲伯 二首

汪元量

莫崙

僧揮

陸氏姬

嚴榮

趙可

趙秉文

段克己

劉基

二首

文徵明

御選歷代詩餘卷十目錄

欽定四庫全書蒼要卷二萬六百八十八

集部

御選歷代詩餘卷十

四十
四字

采桑子

一名羅敷媚 一名羅敷

盤歌雙調四十四字

采桑子

南唐李煜

輓轡金井梧桐晚幾樹驚秋
晝雨如愁百尺鰲鬚上玉
鈎 瓊牕春斷雙蛾
歌回首邊頭欲寄鱗遊九曲寒波
不泝流

前調

南唐李煜

亭前春逐紅英盡
舞態徘徊細雨霏
微不放雙眉時暫
開
綠牕冷靜芳音斷
香印成灰可奈情懷
欲睡朦朧
入夢來

前調

和凝

蠲蟻領上訶梨子
繡帶雙垂椒戶閒
時競學檣蒲賭荔枝
叢頭鞦韆子
紅編細裙窄金絲
無事顰眉春思翻
教阿母疑

前調

馮延巳

馬嘶人語春風岸芳草綿綿楊柳橋邊落日高樓酒旆
懸 舊愁新恨知多少目斷遙天獨立花前更聽笙歌
滿畫船

前調

馮延巳

小庭雨過春將盡片片花飛獨折殘枝無語凭闌祇自
知 玉堂香煖珠簾卷雙燕來歸君約佳期肯信韶華
得幾時

前調

馮延巳

西風半夜簾櫳冷
遠夢初歸夢過金扉
花謝牕前夜合枝
昭陽殿裏新翻曲
未有人知偷取笙吹
驚覺寒蛩到曉啼

前調

馮延巳

酒闌睡覺天香煖
繡戶慵開香印成
灰獨背寒屏理舊眉
朦朧却向燈前臥
牕月徘徊曉夢初回
一夜東風綻早梅

前調

馮延巳

小堂深靜無人到滿院春風惆悵牆東一樹櫻桃帶雨
紅愁心似醉兼如病欲語還慵日暮疎鐘雙燕歸棲
畫閣中

前調

馮延巳

畫堂燈煖簾櫳卷禁漏丁丁雨罷寒生一夜西總夢不
成玉娥重起添香印回倚孤屏不語含情水調何人
吹笛聲

前調

馮延巳

笙歌放散人歸去獨宿江樓月上雲收一半珠簾掛玉
鉤起來檢點經遊地處處新愁憑仗東流將取離心
過橘州

前調

馮延巳

昭陽記得神仙侶獨自承恩水殿燈昏羅幙輕寒夜正
春如今別館添蕭索滿面啼痕舊約猶存忍把金環
別與人

前調

馮延巳

微風簾幙清明近
花落春殘尊酒留歡
添盡羅衣怯夜寒
愁顏恰似燒殘燭
珠淚闌干也欲高拌
爭奈相逢情萬般

前調

馮延巳

畫堂昨夜愁無睡
風雨淒淒林鶻爭棲
落盡燈花雞未啼
年光往事如流水
休說情迷玉筍雙垂
祇是金籠鸚鵡知

前調

馮延巳

洞房深夜笙歌散，
簾幙重重斜。月朦朧，
雨過殘花落地，
紅。昔年無限傷心事，
依舊東風獨倚梧桐，
閒想閒思，
到曉鐘。

前調

馮延巳

花前失却遊春侶，
極目尋芳滿眼悲涼。縱有笙歌亦斷腸。
林間戲蝶，
簾間燕，
各自雙雙。忍更思量。綠樹青苔，
半夕陽。

前調

馮延巳

櫻桃謝了梨花發紅白相催燕子歸來幾處香風綠戶
開 人生樂事知多少且酌金杯管咽絃哀慢引蕭娘
舞袖迴

前調

歐陽修

輕舟短棹西湖好綠水逶迤芳草長堤隱隱笙歌處處
隨 無風水面琉璃滑不覺船移微動漣漪驚起沙禽
掠岸飛

前調

歐陽修

春深雨過西湖好，百卉爭妍，蝶亂蜂喧。晴日催花暖欲然。
蘭橈畫舸悠悠去，疑是神仙。返照波間，水闊風高，颺管絃。

前調

歐陽修

畫船載酒西湖好，急管繁絃，玉琖停傳。穩泛平波任醉眠。
行雲却在行舟下，空水澄鮮。俯仰留連，疑是湖中別有天。

前調

歐陽修

羣芳過後西湖好
狼藉殘紅飛絮濛濛
垂柳闌干盡日
風 笙歌散盡遊人去
始覺春空垂下簾櫳
雙燕歸來
細雨中

前調

歐陽修

何人解賞西湖好
佳景無時飛蓋相追
貪向花間醉玉
卮 誰知間凭闌干處
芳草斜暉水遠煙微
一點滄洲
白鷺飛

前調

歐陽修

清明上巳西湖好
滿目繁華爭道誰
家綠柳朱輪走
車
遊人日暮相將去
醒醉喧譁路轉堤斜
直到城頭
總是花

前調

歐陽修

荷花開後西湖好
載酒來時不用旌旗
前後紅幢綠蓋
隨
畫船撐入花深處
香泛金卮煙雨微微
一片笙歌
醉裏歸

前調

歐陽修

天容水色西湖好雲物俱鮮鷗鷺閒眠應慣尋常聽管
絃風清月白偏宜夜一片瓊田誰羨駭鸞人在舟中
便是仙

前調

歐陽修

殘霞夕照西湖好花塢蘋汀十頃波平野岸無人舟自
橫西南月上浮雲散軒檻涼生荷芰香清水面風來
酒面醒

前調

晏幾道

白蓮池上當時月今夜重圓曲水蘭船憶伴飛瓊看月
眠黃花綠酒分攜後淚濕吟箋舊事年年時節南湖
又采蓮

前調

晏幾道

前歡幾處笙歌地長負登臨月幌風襟猶憶西樓著意
深鶯花見盡當時事應笑如今一寸愁心日日寒蟬
夜夜砧

前調

晏幾道

無端惱破桃源夢，明月青樓玉膩花柔，不學行雲易去。
留應嫌衫袖前香冷，重傍金虬。歌扇風流，遮盡歸時翠黛愁。

前調

晏幾道

年時此夕東城見，歡意匆匆。明日還重，却在樓臺縹緲中。
垂螺拂黛清歌女，曾唱相逢。秋月春風，醉枕香衾一歲同。

前調

晏幾道

西樓月下當時見粉淚偷勻歌罷還顰恨隔爐烟看未
真別來樓外垂楊縷幾換青春倦客紅塵長記樓中
粉淚人

前調

晏幾道

湘妃浦口蓮開盡昨夜紅稀嬾過前溪閒棹扁舟看鴈
飛去年謝女池邊醉晚雨霏微記得歸時旋折新荷
蓋舞衣

前調

晏幾道

紅牕碧玉新名舊猶縮雙螺一寸秋波一斛明珠覺未
多 小來竹馬同遊客慣聽清歌今日蹉跎惱亂工夫
暈翠蛾

前調

送彭
永年

黃庭堅

荔枝灘上留千騎桃李陰繁宴寢香殘畫戟森森鎮八
蠻 永康又得風流守管領江山少訟多閒煙靄樓臺
舞翠鬟

前調

黃庭堅

夜來酒醒清無夢愁倚闌干露滴輕寒雨打芙蓉淚不
乾 佳人別後音塵悄瘦盡難拚明月無端已過紅樓
十二間

前調

謝逸

楚山削玉雲中碧影落沙汀秋水澄凝一抹江天鴈字
橫 金錢滿地西風急紅蓼煙輕簾外砧聲驚起青樓
夢不成

前調

梅三首

周邦彥

肌膚綽約真仙子來伴冰霜洗盡鉛黃素面初無一點
妝尋花不用持銀燭暗裏聞香零落池塘分付餘妍
與壽陽

前調

周邦彥

南枝度臘開全少疎影當軒一種宜寒自共清蟾別有
緣江南風味依然在玉貌韶顏今夜凭闌不似釵頭
仔細看

前調

周邦彥

香梅開後風傳信
繡戶先知霧濕羅衣冷
艷須攀最遠枝
高歌羌管吹遙夜
看即紛披已恨來遲
不見娉婷帶雪時

前調

木犀
二首

李綱

幽芳不為春光發
直待秋風直待秋風香
比餘花分外濃
步搖金翠人如玉
吹動瓏璫吹動瓏璫
恰似瑤臺月下逢

前調

李綱

枝頭萬點妝金蕊十里清香十里清香解引幽人雅思
長玉壺貯水花難老淨几明牕淨几明牕褪下殘英
簌簌黃

前調

別情

呂本中

恨他不似江樓月南北東西南北東西只有相隨無別
離恨他恰似江樓月暫滿還虧暫滿還虧待得團圓
是幾時

前調

詠雪

康與之

馮夷翦破澄溪練飛下同雲著地無痕柳絮梅花處處
春 山陰此夜明如晝月滿前村莫掩溪門恐有扁舟
乘興人

前調

康與之

紅樓紫陌青春路柳色皇州月淡煙柔裊裊亭亭不自
由 舊時扶上雕鞍處此地重遊總是新愁柳自輕盈
水自流

前調

清明

曾覲

清明池館晴還雨綠漲溶溶花裏遊蜂宿粉栖香錦繡
中玉簫聲斷人何處依舊春風萬點愁紅亂逐煙波
總向東

前調

贈歌者

辛棄疾

晚來雲淡秋光薄落日晴天落日晴天堂上風斜檝燭
煙從渠去買人間恨字字都圓字字都圓腸斷西風
十四絃

前調

辛棄疾

年年索盡梅花笑，疎影黃昏疎影黃昏香滿東風玉一
痕。清詩冷落無人寄，雪豔冰魂，雪豔冰魂，浮玉溪頭
煙樹村。

前調

陸游

寶釵樓上梳妝晚，嬾上秋千閒撥沉煙金縷衣寬睡髻
偏。鱗鴻不寄遼東信，又是經年彈淚花前愁入春風
十四絃。

前調

黃機

綺牕撥斷琵琶索一一相思一一相思無限柔情說向
誰銀鈎欲寫迴文曲淚滿烏絲淚滿烏絲薄倖知他
知不知

前調

韓 澆

蕭蕭兩鬢吹華髮老眼全昏徒倚衡門歲晚寒消澗底
痕含情更覺滄洲遠欲語誰論窈窕孤村細雨梅花
只斷魂

前調

韓 澆

華燈自是年年好月淡煙空依舊東風簫鼓吹香醉臉
融 謝他詩侶還相覓雨跡雲踪不分情濃柳淺梅深
鬢影鬆

前調

梅

楊澤民

冰姿冠絕人間世傲雪凌霜蕊點檀黃更著紅脣間素
妝 清芬不是先桃李桃李無香迴出林塘萬木叢中
獨秉陽

前調

子母
張

張炎

山人去後知何處風月清虛來往無拘戲引兒孫樂有
餘懸崖挂樹如相語常守枯株久與人疎閱了當年
一卷書

前調

歐良

年年纔到花時候風雨經旬不肯開晴悞却尋花陌上
人今朝報道天晴也花已成塵寄語花神何似當初
莫做春

前調

朱藻

障泥油壁人歸後，滿院花陰樓影沉沉。中有傷春一片心。
閒穿綠樹尋梅子，斜日朧明團扇風輕。一徑楊花不避人。

前調

宋媛

李清照

晚來一陣風兼雨，洗盡炎光。理罷笙簧，却對菱花淡淡妝。
絳綃縷薄冰肌瑩，雪膩酥香。笑語檀郎，今夜紗幮枕簟涼。

前調

吳元可

江南二月春深淺芳草青時燕子來遲翦翦輕寒不滿
衣清宵欲寐還無寐顧影顰眉整帶凝思一樣東風
兩樣吹

前調

何繼高

醉歸那忍旋分手竹屋燈明石鼎茶聲坐久聽來酒力
輕粉箋染就芙蓉滑小句初成轉自淒清寒逼春衫
欲二更

前調

劉基

鴈來不帶天邊信，莫上高樓新月如鉤。一度春來一度愁。
人間無限淒涼事，覆水難收。風葉颼颼，只是商量斷送秋。

前調

吳子孝

纖雲盡捲天如水，蘆荻風殘。松竹霜寒。更看前溪月滿山。
畫船紅燭金樽酒，子夜歌闌。緩吹輕彈。得意人生且盡歡。

前調

吳子孝

瀛洲夜夜風兼露
風遞荷香露濕花
房點點流螢映水
光
湖山重疊玲瓏玉
欲去傳觴猶戀高
堂只為炎天
扇枕忙

前調

王世貞

洞庭楓落臘脂冷
蠶尾香鉤舴艋輕
舟一任風霜自在
浮
綠蓑衣上寒雲膩
蒲底槎頭缸面新
筇縱有秋聲
不起愁

前調

王世貞

落英堆砌無人管幾點
鴛鴦紅偷入簾櫳要與多情訴
晚風鴛鴦被冷驚春睡
羞把菱銅感損眉峯不為風狂
也似儂

前調

馮鼎位

秋風欲染棠梨葉碧水
平池玉笛輕吹落徧中庭桂樹
枝珠簾不卷玲瓏月涼透羅衣
天遠星稀無奈高樓
一鴈飛

前調

中秋
夜

馮鼎位

銀河澹豔秋如水人是今年月似前年重上南樓思悄
然繁絃急管催清漏昨夜難圓明夜難圓滿泛金尊
醉綺筵

後庭花

又一體雙調四十
四字一名海棠春

後庭花

毛熙震

鶯啼燕語芳菲節瑞庭花發昔時歡宴歌聲揭管絃清
越自從陵谷追遊歇畫梁塵鬣傷心一片如珪月閒

鎖宮闕

前調

毛熙震

越羅小袖新香積，薄籠金釧倚闌無語。搖輕扇半遮勻面。春殘日暖，鶯嬌嬾滿庭，花片爭不教人長相見。畫堂深院，
前調

許棐

一春不識西湖面，翠羞紅倦。雨牕和淚，搖湘管意長箋短。知心惟有雕梁燕，自來相伴。東風不管琵琶怨，落花吹徧。
訴衷情

又一體雙調

四十四字

訴衷情

晏殊

東風楊柳欲青青
煙淡雨初晴
惱他香閣濃睡
撩亂有啼鶯
眉葉細舞腰輕
宿妝成一春芳意
三月和風牽繫
繫人情

前調

晏殊

芙蓉金菊鬪馨香
天氣欲重陽
遠村秋色如畫
紅樹間疎黃
流水澹碧
天長路茫茫
憑高目斷
鴻雁來時無

限思量

前調

晏殊

青梅煮酒鬪時新
天氣欲殘春
東城南陌花下
逢著意中人
回繡袂展香綉
叙情親
此時拚作千尺遊絲惹
住朝雲

前調

謝絳

銀缸夜永影長孤
香草續殘爐
倚屏默默無語
粉淚不成珠
雙檠枕百嬌
壺憶當初
恩光莫似秋葉無情欲

向人疎

前調

晏幾道

憑觴靜憶去年秋，桐落故溪頭。
詩成自寫紅葉和恨，向東流。
人脈脈，水悠悠。幾多愁。
雁書不到，蝶夢無憑，漫倚高樓。

前調

晏幾道

小樓風韻最妖嬈，開處雪初消。
南枝欲附春信，長恨隴人遙。
閒記憶，舊江皋。路迢迢。
暗香浮動，疎影橫斜，幾

處溪橋

前調

晏幾道

長因蕙草記羅裙
綠腰沉水熏
闌干曲處人靜
曾共倚黃昏
風有韻月無痕
暗消魂
擬將幽恨試寫殘花寄與朝雲

前調

柳永

一聲畫角日西曛
催促掩朱門
不堪更倚妝閣
腸斷已消魂
年漸晚雁空頻
問無因
思心欲碎
愁淚難收又

是黃昏

前調

蘇軾

海棠珠綴一重重清曉近
簾櫳
胭脂誰與勻染偏向臉
邊濃
看葉嫩惜花紅
意無窮
如花似葉歲歲年年共
占春風

前調

黃庭堅

小桃灼灼柳鬢鬢
春色滿江南
雨晴風暖煙淡
天氣正
醺酣
山潑黛水接藍
翠相攬
歌樓酒旆
故招人權

典青衫

前調

毛滂

花陰柳影映簾櫳
羅幙繡重重
行雲自隨語燕
回雪趁
驚鴻
銀字歇
玉杯空
蕙煙中
桃花髻
暖杏葉
眉彎一
片春風

前調

蘇庠

杖頭挑得布囊行
活計有誰爭
不肯侯家五鼎碧
澗一杯羹
谿上月嶺頭雲
不勞耕甕中春色
枕上華胥便

是長生

前調

蘇庠

倦投林樾當誅茅鴻雁響寒郊溪上晚來楊柳月露洗
煙梢 霜後渚水分槽尚平橋客牀歸夢何必江南門
接雲濤

前調

送春

万俟雅言

一鞭清曉喜還家宿醉困流霞夜來小雨新霽雙燕舞
風斜 山不盡水無涯望中賒送春滋味念遠情懷分

付楊花

前調

唐庚

平生不會歛眉頭諸事等閒休元來却到愁處須著與
他愁 殘照外大江流去悠悠風悲蘭杜煙淡滄浪何
處扁舟

前調

劉儼

征衣薄薄不禁風長日雨絲中又是一年春事花信到
梧桐 雲漠漠水溶溶去匆匆客懷今夜家在江西身

在江東

前調

陳允平

綠雲鳳髻不忺盤情味勝思酸曉色露桃煙杏空照臉
霞丹花漸老鏡臺閒錦爛斑怨紅一葉流水東風好
去人間

前調

陳允平

嫩寒侵帳弄微霜客淚不成行料得黃花憔悴何日賦
歸裝樓獨倚漏聲長暗情傷淒涼况味一半悲秋一

半思鄉

前調

吳江
長橋

張輯

臥虹千尺界湖光
冷浸月茫茫
當日三高何處漁
唱入淒涼
人世事縱軒裳
夢黃梁
有誰蓑笠一釣絲
風吹盡荷香

前調

鄭楷

酒旗搖曳柳花天
鶯語軟於絲
碎綠未盈芳沼
倒影蘸秋千
匳玉燕套金蟬
負華年
試問歸期是
醪釀後是

牡丹前

前調

僧揮

楚江南岸小青樓樓前人樣舟別來後庭花晚花上夢
悠悠山不斷水空流漫凝眸建康宮殿燕子來時多
少閒愁

前調

建康

僧揮

鍾山影裏看樓臺江煙晚翠開六朝舊時明月清夜滿
秦淮寂寞處兩潮迴黯愁懷汀花雨細水樹風間又

是秋來

前調

實月
山作

僧揮

清波門外擁輕衣
楊花相送飛西湖
又還春晚水樹亂
鶯啼閒院宇
小簾幃晚初歸
鐘聲已過篆香才
點月到門時

前調

僧揮

長橋春水拍堤沙
疎雨帶殘霞
幾聲脆管何處橋下有
人家
宮樹綠晚煙斜
噪閉鴉山光無盡
水風長在滿

面楊花

前調

寒食

僧揮

湧金門外小瀛洲寒食更風流紅船滿湖歌吹花外有
高樓 晴日暖淡煙浮恣嬉遊三千粉黛十二闌干一
片雲頭

前調

吳激

夜寒茅店不成眠殘月照吟鞭黃花細雨時候催上渡
頭船 鷗似雪水如天憶當年到家應是童稚牽衣笑

我華顛

前調

王庭筠

夜涼清露滴梧桐庭樹又西風熏籠舊香猶在曉帳暖
芙蓉雲淡薄月朦朧小簾櫳江湖殘夢半在南樓畫
角聲中

前調

初夏

段克己

東風簾幙雨絲絲梅子半黃時玉簪微醒醉夢開却兩
三枝初睡起曉鶯啼倦彈碁芭蕉新綻徒倚湖山綵

筆題詩

前調

史仲恭壽

段成已

芹溪清淺舞連漪
墜釣錦鱗肥
黃花一樽芳酒
萬事覺俱非
留晚景
惜香霏
醉時歸
最關情處
迎門稚子含
笑牽衣

前調

周用

人間何處有丹丘
曾到太湖頭
日高主人猶臥
花影滿重樓
尋畫史
接詩流
老滄洲
一村煙樹
數家茅屋幾

箇漁舟

前調

陳子龍

小桃枝下試羅裳
蝶粉鬪遺香
玉輪碾平芳草
半面惱紅妝
風乍暖
日初長
裊垂楊
一雙舞燕
萬點飛花
滿地斜陽

卜算子

一名缺月挂疎桐
一名孤鴻

一名百尺樓雙調四十四字

卜算子

蘓軾

缺月挂疎桐
漏斷人初靜
時見幽人獨往來
縹緲孤鴻

影 驚起却回頭有恨無人省
揀盡寒枝不肯棲寂寞
沙洲冷

前調

陳師道

纖軟小腰身明秀天真面
澹畫修眉小作春中有相思
怨 背立向人羞顏破因誰倩
不比陽臺夢裏逢親向
春前見

前調

答

舒亶

池臺小雨乾門巷香輪少
誰把青錢襯落紅滿地無人

掃
何時鬪草歸幾處尋花子
留得佳人蓮步痕宮樣
鞦兒小

前調

送友之
湘東

王觀

水是眼波橫山是眉峯聚
欲問行人去那邊眉眼盈盈
處
纔是送春歸又送君回去
若到江南趕上春千萬
和春住

前調

秦湛

春透水波明寒峭花枝瘦
極目煙中百尺樓人在樓中

否 四和袞金鳧雙陸思纖手擬倩東風浣此情情更
濃於酒

前調

周紫芝

霜葉下孤篷船在垂楊岸早是淒涼惜別時更惜年華
換 別酒解留人拚醉君休管醉裏朱絃莫漫彈愁入
參差鴈

前調

謝逸

煙雨暮橫塘紺色涵清淺誰把并州快剪刀翦取吳江

金匱四庫全書
卷十
半 隱几岸烏巾細葛含風軟不見柴桑避俗翁心共
孤雲遠

前調

陳 瓘

身如一葉舟萬事潮頭起水長船高一任伊來往洪濤
裏 潮落又潮生今古長如此後夜開尊獨酌時月滿
八千里

前調

葉夢得

新月挂林梢暗水鳴枯沼時見疎星落畫簷幾點流螢

小
歸意已無多故作連環繞欲寄新聲問採蓮水闊
煙波渺

前調

徐俯

清池過雨涼暗有清香度縹緲娉婷絕代歌翠袖風中
舉
忽斂雙眉去總是闕情處一段江山一片雲又下
陽臺雨

前調

趙師俠

晴日斂春泥陌上東風軟料峭寒禁祀柳間枉恨春工

淺綠漲一江深黛潑千山遠目斷平蕪無際愁數盡
征鴻點

前調

趙師俠

楊柳褪金絲豔杏搖紅影欲雨還晴二月天春色渾無
定曉夢不堪驚午睡新來永一掬歸心萬疊愁空惹
長亭恨

前調

朱敦儒

碧瓦小紅樓芳草江南岸雨後紗牕幾陣寒零落梨花

晚 看到水如雲送盡鴉成點
南北東西處處愁獨倚
闌干徧

前調

荷

辛棄疾

紅粉靚梳妝翠蓋低風雨占斷人間六月涼
明月鴛鴦浦 根底藕絲長
花裏蓮心苦 只為風流有許愁更襯
佳人步

前調

范成大

涼夜竹堂虛小睡匆匆醒銀漏無聲
月上階滿地闌干

影 何處最知秋風在梧桐井不惜驂鸞弄玉簫露濕
衣裳冷

前調

范成大

雪壓小橋深月到重門靜冷葉疎枝半不禁更看橫牕
影 回首故園春往事難重省半夜清香入夢來從此
熏爐冷

前調

陳三聘

雪後竹枝風醉夢風吹醒瘦立寒階滿地春淡月梅花

影 門外轆轤寒曉汲喧金井長笛何人更倚樓玉指
風前冷

前調

陳三聘

澗下水聲寒壑底松風靜時有清香度竹來步月尋疎
影 往事屬東風試問花應省曾是花前把酒人別夢
溪堂冷

前調

葛立方

裊裊水芝紅脉脉蒹葭浦浙浙西風淡淡煙幾點疎疎

雨 草草展杯觴對此盈盈女
葉葉紅衣當酒船細細
流霞舉

前調

程垓

獨自上層樓樓外青山遠
望到斜陽欲盡時不見西飛
雁 獨自下層樓樓下蛩聲怨
待到黃昏月上時依舊
柔腸斷

前調

程垓

枕簟暑炎消簾幙秋風動
月到宵來愁處明只照團圓

鳳去意香無憑別語愁難送一紙魚箋枕底香且做
新來夢

前調

秋海棠

程大昌

春產不貪春為厭春花泛睡到秋深夢始回素影翻春
豔意賞逐時新舊事誰能占解轉春光入酒杯萸菊
誰云欠

前調

海棠盛開
過風雨

劉克莊

片片蝶衣輕點點猩紅小人道東君不惜花百種千般

巧朝見樹頭繁暮見枝頭少人道東君解惜花雨打風吹了

前調

梅花

陸游

驛外斷橋邊寂寞開無語已是黃昏獨自愁更著風和雨無意共爭春一任羣芳妬零落成泥碾作塵只有香如故

前調

王炎

膩玉染深紅麗質難常好已是人間被禊時花亦隨春

老
喚取麴生來醉賞惟宜早此去陰晴十日間點點
黏芳草

前調

王
炎

散策問芳菲春半花猶未蓓蕾枝頭怯苦寒却似人憔悴
人莫恨花遲天自催寒去雨意纔收日氣濃玉靨
紅如醉

前調

洪咨夔

芍藥打團紅萱草成窠綠簾捲疎風燕子歸依舊盧仝

屋 貧放麴生疎閒到青奴熟掃地焚香伴老仙人勝
連環玉

前調

郭應祥

春事到清明過了三之二穠李夭桃委路塵大半成泥
滓 只有海棠花恰似楊妃醉折向銅壺把燭看且莫
教渠睡

前調

高觀國

屈指數春來彈指驚春去簷外蛛絲網落花也要留春

住 幾日喜春晴
幾夜愁春雨
十二雕牕六曲屏
題徧
傷春句

前調

韓 澆

一雨已秋深
月色寒初靜
夜半披衣草樹間
玉露團清影
長笛倚樓聲
聽徹還重省
手啟柴扉
倦復闌雲臥
衣裳冷

前調

韓 澆

煙雨海棠花
春夜沉沉酌
寒食清明數日
間人也須行

樂 不怕笛聲長只怕風兒惡燭影紅酣寶篆香樓上
黃昏角

前調

梅

沈端節

踏雪看孤芳只有詩人共守定南枝待得開不覺冰輪
動 卻月與凌風漫說揚州夢想見雕闌曲沼邊殘雪
和煙凍

前調

吳文英

涼挂曉雲輕聲斷西風小井上梧桐應未知一葉雲鬟

裏來雁帶書遲別燕歸程早頻探秋香開未開恰似
春來了

前調

康仲伯

曾約再來時花暗春風樹今日人來花未開春未知人
處坐客有疎狂綵筆題新語渾為玉人頽玉山忘了
陽關路

前調

康仲伯

煙髻縮層巔雲葉生寒樹斜日行人窈窕村愁陣縱橫

處 細細寫鸞箋
寄相思語會倩春風展
柳眉回馬
章臺路

前調 送別

汪元量

我向河南來
伊向河西去
客裏相逢只片時
無計留伊
住 去住總由伊
莫把眉頭聚
安得并州快剪刀
割斷
相思路

前調

莫崙

紅底過絲明
綠外飛絲小
不道東風上海棠
白地春歸

了月笛曲闌留露
鴛芳池繞爭得閒情似
舊時徧索
簷花笑

前調

僧揮

有意送春歸無計留春
住畢竟年年用著來何似
休歸去
目斷楚天遙不見春歸路
風急桃花也似愁點點
飛紅雨

前調

宋媛
陸氏姬

送我出東門乍別長安道
兩岸垂楊鎖暮煙正是秋光

老 一曲古陽關莫惜金尊倒伊向瀟湘我向秦魚雁
何時到

前調

宋妓

嚴 藥

不是愛風塵似被前緣誤
花落花開自有時
總賴東君
主 去也終須去住也如何住
若得山花插滿頭
莫問
奴歸處

前調

趙 可

明月在青天借問今時幾
但見宵從海上來
不覺雲間

墜
流水古今人共看
皆如此
惟願當歌對酒時
長照
金樽裏

前調

趙秉文

烏鵲不多驚
貼貼風枝靜
珠貝橫空冷
不收半濕秋河
影
缺月墮幽牕
推枕鷺深省
落葉蕭蕭聽
雨聲
簾外
霜華冷

前調

段克己

澹月晃書牕
夜靜雲撩亂
敲枕瀟瀟聽
雪聲
落葉閒階

滿清曉獨開門澹蕩東風軟
詩句成時墮渺茫眼底
江天遠

前調

劉基

春去蝶先知花落蜂難綴
草綠庭空不見人愁共天無
際
鑿沼種荷看水淺荷錢細
惟有青苔最可憐欲上人
衣袂

前調

劉基

白日下層岑青靄生寒水
水遠山長不見人月上風微

起 何許一孤鴻飛去瀟湘
止欲采蘋花寄所思無處
尋雙鯉

前調

文徵明

酒醒夜堂涼雨過湘簾捲時見流螢度短牆乍近依然
遠 欲睡更遲徬徙倚闌干徧不覺西樓缺月斜寂寞
桐陰轉

御選歷代詩餘卷十

欽定四庫全書薈要

御選歷代詩餘卷十一目錄

四十五字

謁金門

韋莊

三首

薛昭蘊

牛希濟

閻選

魏承班

二首

馮延巳

蘇軾
二首

蘇庠
二首

秦湛

周紫芝

陳克
四首

趙師俠

張元幹

康與之

朱雍

范成大

程垓

三首

韓元吉

呂勝已

三首

袁去華

四首

趙彥端

二首

衛元卿

程秘

張輯

二首

黃機

吳禮之

趙善扛

毛玠

盧祖皋

四首

張履信

高觀國

韓浣

六首

汪莘

姚鏞

洪璫

趙與鉞

盧炳

沈端節

黃昇

吳文英

張樞

周密

三首

石孝友

三首

翁元龍

何光大

趙淇

劉辰翁

李萊老

胡仲弓

譚宣子

無名氏

劉仲尹

王庭筠

二首

李俊民

四首

劉詵

張翥

劉基

楊慎

陳子龍

無名氏

葉小鸞

前調 又一體

孫光憲

杏園芳

尹鷲

柳含煙

毛文錫 三首

醉太平 又一體

辛棄疾

訴衷情

又一體

歐陽修

黃庭堅

思越人

馮延巳

更漏子

溫庭筠

前調

又一體

晏殊
二首

天門謠

李之儀

賀鑄

漁父家風

張元幹

嚴仁

酒泉子
又一體

司空圖

毛文錫

散餘霞

毛滂

好女兒

黃庭堅

曾覲

前調 又一體

黃庭堅

憶悶令

晏幾道

一落索

呂渭老

綵鸞歸令

張元幹

卜算子

又一體

徐俯

御選歷代詩餘卷十一目錄

欽定四庫全書薈要卷二萬六百八十九

集部

御選歷代詩餘卷十一

四十五字

謁金門

唐樂名有儒士謁金門詞沿其名一名垂楊碧一名花自落一名出塞一名春早湖山一名空相憶雙調四十五字

謁金門

韋莊

春雨足染就一溪新綠柳外飛來雙羽玉弄晴相對浴
樓外翠簾高軸倚徧闌干幾曲雲淡水平煙樹簇寸
心千里目

前調

韋莊

春漏促金燼暗挑殘燭一夜簾前風撼竹夢魂相斷續
有箇嬌嬈如玉夜夜繡幃孤宿閒抱琵琶尋舊曲遠
山眉黛綠

前調

韋莊

空相憶無計得傳消息天上嫦娥人不識寄書何處覓
新睡覺來無力不忍把伊書迹滿院落花春寂寂斷
腸芳草碧

前調

薛昭蘊

春滿院疊損羅衣金線睡覺水精簾未卷簾前雙語燕
斜掩金鋪一扇滿地落花千片早是相思腸欲斷忍
教頻夢見

前調

牛希濟

秋已暮重疊關山岐路嘶馬搖鞭何處去曉禽霜滿樹
夢斷禁城鐘鼓淚滴枕檀無數一點凝紅和薄霧翠
蛾愁不語

前調

閨選

美人浴碧沼蓮開芬馥雙髻挽雲顏似玉素蛾輝淡綠
雅澹芳姿閒淑雪映鈿裝金斛水濺青絲珠斷續酥
融香透肉

前調

魏承班

煙水闊又值清明時節雨細花零鶯語切愁腸千萬結
鴈去音徽斷絕有恨欲憑誰說無事傷心猶不徹春
時容易別

前調

魏承班

春欲半堆砌落花千片早是潘郎長不見忍聽雙語燕
飛絮晴空颺遠風送誰家絃管愁倚畫屏凡事嬾淚
沾金縷線

前調

馮延巳

風乍起吹皺一池春水閒引鴛鴦芳徑裏手按紅杏蕊
鬪鴨闌干獨倚碧玉搔頭斜墜終日望君君不至舉
頭聞鶻喜

前調

蘇軾

秋帷裏長漏伴人無寐低玉枕涼輕繡被一番秋氣味
曉色又侵牕紙牕外雞聲初起聲斷幾聲還到耳已
明聲未已

前調

蘇軾

秋池閣風傍小庭簾幙霜葉未衰吹未落半驚鷓鴣喜鵲
自笑浮名情薄似與世人疎略一片嬾心雙嬾脚好
教閒處著

前調

懷故
居

蘇庠

何處所門外冷雲堆浦竹裏江梅寒未吐茅屋疎疎雨
誰遣愁來如許小立野塘官渡手種凌霄今在否柳
浪迷煙渚

前調

懷張
元度

蘇庠

楊柳渡醉著青鞵歸去點點沙鷗何處所十里菰蒲雨
抖擻向來塵土臥看碧山雲度寄語故時猿鶴侶未
見心先許

前調

秦 港

鴛鴦浦春漲一江花雨隔岸數聲初過櫓晚風生碧樹
舟子相呼相語載取暮愁歸去寒食江村芳草路愁
來無著處

前調

周紫芝

春雨細開盡一番桃李柳暗曲闌花滿地日高人睡起
綠浸小池春水沙暖鴛鴦雙戲薄倖更無書一紙畫
樓愁獨倚

前調

陳克

愁脈脈目斷江南江北煙樹重重芳信隔小樓山幾尺
細草孤雲斜日一晌弄晴天色簾外落花飛不得東
風無氣力

前調

陳克

花滿院飛去飛來雙燕紅雨入簾寒不卷曉屏山六扇
翠袖玉笙悽斷脈脈兩蛾愁淺消息不知郎近遠一
春長夢見

前調

陳克

柳絲碧柳下人家寒食鶯語匆匆花寂寂玉塔春蘚濕
閒凭熏籠無力心事有誰知得檀炷繞牕燈背壁畫
簷殘雨滴

前調

陳克

深院靜塵暗曲房淒冷黃葉滿階風不定無端吹酒醒
露濕小園幽徑悄悄啼蛄相應半被餘熏殘燭影夜
長人獨冷

前調

趙師俠

沙畔路記得舊時行處藹藹疎煙迷遠樹野航橫不渡
竹裏疎花梅吐照眼一川鷗鷺家在清江江上住水
流愁不去

前調

道山亭
餞別

張元幹

風露底石上岸巾愁起月到房心天似水亂峰清影裏
此去登瀛須記今夕道山同醉春殿明年人共指玉
皇香案吏

前調

暮春

康與之

春又晚風勁落紅如翦睡起繡牀飛絮滿日長門半掩
不管離腸欲斷聽盡梁間雙燕試上小樓還不見樓
前芳草遠

前調

梅

朱雍

春太早十二玉樓初曉半額試妝深院悄相逢何草草
臨水幽香縹緲鬢淡妝窺照恰值日邊人未到紛
紛縈古道

前調

宜春道中
有懷舊隱

范成大

塘水碧仍帶麴塵顏色泥泥殺紋無氣力東風如愛惜
恰似越來溪側也有一雙鸚鵡只欠柳絲千百尺繫
船春弄笛

前調

茶蘼

程垓

花簇簇觸眼萬條垂玉小院春深牕鎖綠水沉風斷續
明月又侵樓曲羞向枕囊拘束只待夜深清影足醉
來花底宿

前調

陪詣友
飲東山

程垓

烏帽側行徧杏花春色野意青青分隴麥人家煙水隔
春事莫催行客彈指青梅堪摘醉倚暮天江拍拍雨
晴沙路白

前調

程垓

春夜雨催潤柳塘花塢小院深深門幾許畫簾香一縷
獨立晚庭凝竚細把花枝閒數燕子不來天欲暮說
愁無處所

前調

春雪

韓元吉

春尚淺誰把玉英裁
翦盡道梅梢開未徧
捲簾花滿院
樓上酒融歌暖
樓下水平煙遠
却似湧金門外見
絮飛波影亂

前調

呂勝已

花滿樹兩箇黃鸝相語
恰似碧城雙玉女
對歌還對舞
可惜娟娟楚楚
同伴綵雲歸去
居士心如泥上絮
那能無恨處

前調

呂勝已

嗟久客又見他鄉寒食流水斷橋春寂寂孤邨煙火息
白去紅飛無迹千樹總成新碧醉裏傷春愁似織東
風欺酒力

前調

呂勝已

天氣暖開了荼蘼一半紅日遲遲風拂面堦前花影亂
俊逸風神不見定被鶯花留戀千尺遊絲舒又罨繫
人心上綫

前調

袁去華

春索莫樓上晚來風惡午醉初醒羅袖薄護寒添翠幙
愁裏花時過却閒處淚珠偷落憔悴只羞人問著鏡
中還自覺

前調

袁去華

深院閉漫漫東風桃李芳草淒迷煙雨細秦樓何處是
還是傷春意味閒却蹋青天氣折得海棠雙蒂子無
言還自喜

前調

袁去華

歸鳥急照水斜陽紅濕蓬底夜涼風露入藕花香習習
點滴城頭漏澀淒斷草間蟲泣新恨舊愁眉上集月
斜還竚立

前調

袁去華

煙水闊夜久風生蘋末東舫西船人語絕四更山吐月
客裏光陰電抹不記離家時節樓上笛聲聽未徹又
催征櫂發

前調

趙彥端

休相憶明夜遠如今日樓外綠煙邛罽幕幕花飛如許急
柳岸晚來船集波底斜陽紅濕送盡去雲成獨立酒
醒愁又入

前調

趙彥端

春已半繡綠新紅如換燕子還來簾幙畔閒愁天不管
翠被曲屏香滿花葉彩箋人遠鵲喜蛛絲都未判連
環空約腕

前調

衛元卿

花過雨又是一番紅
素燕子歸來愁不語
故巢無覓處
誰在玉樓歌舞
誰在玉關辛苦
若使邊塵吹得去
東風侯萬戶

前調

程秘

煙漠漠醉裏看春都錯過了
清明遲一著
牡丹重約摸
曉日漸明
簷角天與芳辰
難却駐得韶華
元有藥桃
源誰共約

前調

張輯

花半濕睡起一簾晴色千里江南真咫尺醉中歸夢直
前度蘭舟送客雙鯉沉沉消息樓外垂楊如此碧問
春來幾日

前調

張輯

春寂寞簾底蕙爐煙薄聽盡歸鴻書怎託相思天一角
象筆鸞牋閒却秀句與誰商略睡起愁懷何處著無
風花自落

前調

黃機

秋向晚秋晚蕙根猶暝碧染羅裙湘水淺羞紅微到臉
窈窕綉簾圍徧月薄霜明亭院妝罷寶奩慵不掩無
風香自滿

前調

吳禮之

風乍扇簾外落紅千片飛盡落花春不管鬪忙鶯與燕
往事上心撩亂睡起日高猶倦料得伊家情眷眷近
來長夢見

前調

趙善扛

新雨霽開徧滿園桃李波暖池塘風細細一雙花鴨戲
喚起春融睡美扶醉宿妝慵理移步避人花影裏繡
裯低窄地

前調

毛 玕

春已半芳草池塘綠徧山北山南花爛漫日長蜂蝶亂
閒掩屏山六扇好夢強教驚斷愁對畫梁雙語燕故
人心不見

前調

盧祖皋

閒院宇獨自行來行去花片無聲簾外雨淺寒生碧樹
做弄清明時序料理春醒情緒憶得歸時停權處畫
橋空落絮

前調

盧祖皋

香漠漠低捲水風池閣玉腕籠紗金半約睡濃團扇落
雨過涼生雲薄女伴擢歌聲樂采得雙蓮迎笑剝柳
陰多處泊

前調

盧祖臯

風不定移去移來簾影一
雨林塘新綠淨杏梁歸燕并
翠袖玉屏金鏡日薄綺疏人靜
心事一春疑酒病烏啼花滿徑

前調

惜別

盧祖臯

蘭擢舉相逐落紅飛去一隙輕簾凝睇處柳絲牽不住
昨日翠蛾金縷今夜碧波煙渚好夢無悲牕又雨天
涯知幾許

前調

張履信

春睡起小閣明
牕兒底簾外雨聲
花積水薄寒猶在裏
欲起還慵未起好
是孤眠滋味一曲
廣陵應忘記起
來調綠綺

前調

高觀國

煙墅暝隔斷仙源
芳徑雨歇花梢魂未醒
濕紅如有恨
別後香車誰整
怪得畫橋春靜
碧漲平湖三十頃
歸雲何處問

前調

韓 澆

花影半晴色乍開雲捲擇勝尋春愁日短雨餘山路晚
澗底桃深紅滿人意不禁閒遠蝴蝶繞枝啼鳥怨東
風吹酒面

前調

韓 澆

花肅肅楊柳三眠未足一櫂溪山新漲綠舊歡無夢續
莫問杜鵑啼蜀只有江南水竹北客淒涼無伴獨春
山生草木

前調

韓 澆

幽意熟吟嘯春風自足麥氣初生晴未燠相逢休問卜
畫出高山盤谷巖上飛雲相逐他日江東思渭北斷
絃誰為續

前調

韓 澆

春尚早春入湖山漸好人去人來雖未老酒徒猶恨少
梅落桃開煙島日日更吹香草一片芳心撩醉倒冷
雲藏落照

前調

韓 澆

行又住水遠山遙邨路把酒問春春幾許老年花似霧
坐上風流張緒留我我還難去却憶章臺飛柳絮只
愁繁暮雨

前調

韓 澆

雲外月畫出一痕清絕梅已飄香桃未發帶湖煙水闊
汀渚尚留微雪不恨酒融歌歇老我多情膠漫結半
醒空自說

前調

汪莘

檐漏滴都是春歸消息帶雨牡丹無氣力黃鸝愁雨濕
爭看洛陽春色忘却連天草碧南浦綠波雙槳急沙
頭人佇立

前調

姚鑪

吟院靜遲日自行花影熏透水沉雲滿鼎晚妝窺露井
飛絮遊絲無定誤了鶯鶯相等欲喚海棠教睡醒奈
何春不肯

前調

洪璚

風共雨催盡亂紅飛絮百計留春春不住杜鵑聲更苦
細柳官河狹路幾被嬋娟相悞空憶墜鞭遺扇處碧
牕眉語度

前調

趙與鉞

歸去去風急蘭舟不住夢裏海棠花下語醒來無覓處
薄倖心腸似絮長是輕分輕聚待得來時春幾許綠
陰三月暮

前調

盧炳

春寂寂節物又催寒食樓上捲簾雙燕入斷魂愁似織
門外雨餘風急滿地落英紅濕好夢驚回無處覓天
涯芳草碧

前調

沈端節

尋勝去湖色淨涵疎樹欸乃一聲何處所風鈴相應語
目送遙林修渚畫出江南煙雨山水照人人楚楚錦
腸生秀句

前調

黃昇

花事淺方費化工勻染牆角紅梅開未徧小桃纔數點
人在暮寒庭院閒續茶經香傳酒思如冰詩思嬾雨
聲簾不捲

前調

吳文英

雞唱晚斜照西牕向暖一枕午醒幽夢遠素衾春絮軟
紫燕紅樓歌斷錦瑟華年一箭偷果風流輸曼倩書
陰爭繡線

前調

張樞

春夢怯人靜玉閨平帖睡起眉心端正貼綽枝雙杏葉
重整金泥蹀躞紅皺石榴裙褶款步花陰尋蛺蝶玉
纖和粉捻

前調

吳山
觀濤

周密

天水碧染就一江秋色鼇戴雪山龍起蟄快風吹海立
數點煙鬟青滴一杼霞綃紅濕白鳥明邊帆影直隔
江聞夜笛

前調

周密

花不定燕尾翦開紅影幾點落英蜂翅趁日遲簾幙靜
試把翠蛾輕暈愁薄寶臺鸞鏡屈指一春將次盡歸
期猶未穩

前調

周密

芳事晚數點杏鈿香淺側側輕寒風翦翦錦屏春夢遠
穉柳拖煙嬌軟花影暗藏深院初試輕羅并畫扇牡
丹紅未展

前調

石孝友

雲樹直雨歇半空猶濕山影插尖高幾尺依依銜落日
遠岸雙飛鷗鷺一水無情自碧颯颯白蘋風正急斷
腸人獨立

前調

石孝友

山雨絕山重冷如冰雪牕外芭蕉三兩葉影排牕上月
醉枕驚回蝴蝶好夢無人共說心事悠悠芳草歇不
眠聽鼠齧

前調

石孝友

歸不去歸去又還春暮洞裏小桃音信阻幾番風更雨
相伴竹筇芒屨穿盡松溪花塢早是行人貪道路聲
聲聞杜宇

前調

翁元龍

鶯樹暖弱絮欲成芳繭流水惜花流不遠小橋紅欲滿
原上草迷離苑金勒晚風嘶斷等得日長春又短愁
深山翠淺

前調

何光大

天似水池上藕花風起隔岸垂楊青到地亂螢飛又止
露濕玉闌閒倚人靜自生涼意泛碧沉朱共晚醉月
斜纔去睡

前調

趙淇

吟望直春在闌干咫尺山插玉壺花倒立雪明天混碧
曉露絲絲瓊滴虛揭一簾雲濕猶有殘梅黃半壁香
隨流水急

前調

劉辰翁

風又雨花事自無多許欲待柳花園作絮梅花冰未吐
翠鈿不禁春誤深却綠煙紅霧將謂花寒留得住一
時春欲暮

前調

李萊老

春意態閒却遠山橫黛香徑莓苔嗟粉壞鳳鞞雙鬪綵
折得花枝嬾戴猶戀鴛鴦飛蓋舊恨新愁都只在東
風吹柳帶

前調

胡仲弓

蛾黛淺只為晚寒妝
嬾潤逼鏡鸞紅霧滿額
花留半面
漸次梅花開徧
花外行人已遠
欲寄一枝嫌夢短
濕雲和恨剪

前調

譚宣子

人病酒生怕日高催繡
昨夜新翻花樣瘦
旋描雙蝶湊
閒凭繡牀呵手
却說春愁還又
門外東風吹綻柳海棠
花廝勾

前調

無名氏

山無數遮斷故人何處見說蘭舟獨繫住溪邊紅葉樹
憶著前時歡遇惹起今翻愁緒怎得西風吹淚去陽
臺為暮雨

前調

劉仲尹

簾半窄四座綠圍紅簇歌盡玉臺連夜燭歡緣仍恨促
休唱蓮舟新曲煙水畫船搖綠腸斷鴛鴦三十六紫
蒲相對浴

前調

王庭筠

雙喜鵲幾報歸期
渾錯儘做舊愁都忘却
新愁何處著
瘦雪一痕牆角
青子已妝殘
萼不道枝頭無可落
東風猶作惡

前調

王庭筠

秋蕭索燈火新涼
簾幙翠被不禁臨曉薄
南樓聞畫角
想見玉壺冰萼
一夜西風開却
夢覺啼烏殘月落
幽香無處著

前調

探梅

李俊民

誰便道昨夜雪中開了次第不將消息報探芳人草草
宜在嫩寒清曉興比孤山更好籬落逢花須醉倒惜
花人易老

前調

數梅

李俊民

頻點檢依舊雪肌清減似恨海東花使濫不教么鳳探
休笑詩人冷淡道盡影疎香暗桃杏雖然無藻鑑承
當應不敢

前調

別梅

李俊民

懷抱惡猶被暗香著莫想在隴頭誰領略一枝分付錯
今夜雲牕霧閣明夜煙邨水郭紙帳天寒人寂寞夢
回聞雪落

前調

夢梅

李俊民

隨健步已過市橋江路費盡西湖多少句暗香留不住
銷得黃昏幾度又是天寒日暮枕上吟魂無著處化
為蝴蝶去

前調

劉詵

春睡倦自揀花枝行徧昨日新紅今日變細按將袖染
翠扇迎風撲面飛去晴絲還轉簾外楊花簾裏燕相
逢如未見

前調

張翥

溪水漫岸口小橋衝斷沽酒人家門巷短柳陰旗一片
細雨鳴鳩相喚曲港落花流亂兩兩睡紅灘鶴暖惱
人春不管

前調

劉基

風嫋嫋吹綠一庭秋草天際斜陽無限好斷腸芳樹老
塵世茫茫難料有酒便須傾倒落葉滿階從不掃醒
來新月皎

前調

楊慎

風漸陡排比殘花春酒憔悴一枝紅欲皺問花花戀否
寂寞漸長清晝無計與他拖逗猶勝銷魂人去後折
來還在手

前調

陳子龍

鶯啼處搖蕩一天涼
雨極目平蕪人盡處
斷虹明碧縷
費得爐煙無數
只有輕寒難度
忽見樓西花影露
弄晴催薄暮

前調

無名氏

真堪惜錦帳夜長
虛擲挑盡銀燈情脈脈
繡花無氣力
女伴聲停
刀尺蟋蟀爭啼
四壁自起捲簾窺夜色
天青星欲滴

前調

秋晚憶
兩姊

明媛

葉小鸞

情脈脈簾捲西風爭入漫倚危樓窺遠色晚山留落日
芳樹重重凝碧影浸清波欲濕人向暮煙深處憶繡
裙愁獨立

前調

又一
體

孫光憲

留不得留得也應無益白苧春衫如雪色揚州初去日
輕別離甘拋擲江上滿帆風疾却羨綵鴛三十六孤
鸞還一隻

杏園芳

雙調四

十五字

杏園芳

尹鶚

嚴妝嫩臉花明教人見了闌情含羞舉步越羅輕稱娉
婷終朝咫尺窺香閣迢迢似隔層城何時休遣夢相
縈入雲屏

柳含煙

一名柳含金雙

調四十五字

柳含煙

毛文錫

河橋柳占芳春映水含煙拂路幾回攀折贈行人暗傷
神樂府吹為橫笛曲能使離腸斷續不如移植在金
門近天恩

前調

毛文錫

章臺柳近垂旒低拂往來冠蓋朦朧春色滿皇州瑞煙
浮直與路邊江畔別免被離人攀折最憐京兆畫蛾
眉葉纖時

前調

毛文錫

御溝柳占春多半出宮牆
婀娜有時倒影蘸輕羅
麴塵波
昨日金鑾巡上苑
風亞舞腰纖軟
栽培得地近皇宮
瑞煙濃

醉太平

又一體雙調

四十五字

醉太平

辛棄疾

態濃意遠顰輕笑
淺薄羅衣窄
絮風軟
鬢雲散
翠捲

南園花樹春暖香徑裏榆錢正滿欲上秋千又驚嬾且
歸休怕晚

訴衷情

又一體雙詞

四十五字

訴衷情 畫眉

歐陽修

清晨簾幙卷輕霜呵手試梅妝都緣自有離恨故畫作
遠山長 思往事惜流光易成傷擬歌先斂欲笑還顰
最斷人腸

前調

畫眉

黃庭堅

旋揜玉指鬪彎蛾
遠峰看有無
天然自有殊態
供愁黛
不須多
分遠岫
壓橫波
妙難過
自歌枕處
獨倚闌時
不奈顰何

思越人

雙調四

十五字

思越人

馮延巳

酒醒情懷惡
金縷褪
玉肌如削
寒食過
却海棠零落

乍倚徧闌干煙淡薄翠幙簾櫳籠畫閣春睡著覺來失
秋干期約

更漏子

唐温庭筠作秋思詞中詠更
漏後以名詞雙調四十五字

更漏子

温庭筠

玉闌干金甃井月照碧梧桐影獨自箇立多時露華濃
濕衣一向凝情望待得不成模樣雖耐耐又尋思怎
生喚得伊

前調

又一體

晏殊

三月暖風開却好花無限了當年叢下落紛紛最愁人
長安多少利名身若有一杯香桂酒莫辭花下醉芳
茵且留春

前調

晏殊

春色初來紅芳千萬樹流鶯粉蝶鬪翻飛戀香枝
勸君莫惜縷金衣把酒看花須強飲明朝後日漸離
披惜芳時

天門謠

雙調四

十五字

天門謠

登采石
峨眉亭

李之儀

天塹休論險盡遠目與天俱占山水歛稱霜晴披覽
正風靜雲閒平湫澁想見高吟名不濫頗扣檻杳杳落
沙鷗數點

前調

登采石
峨眉亭

賀鑄

牛渚天門險限南北七雄豪占清霧歛與閒人登覽

待月上潮平波濫濫塞管輕吹新阿濫風滿檻歷歷數
西州更點

漁父家風

雙調四十五字第三句去一
字即訴衷情之一又一體也

漁父家風

張元幹

八年不見荔枝紅腸斷故園東風枝露葉誰新採悵望
冷香濃 冰透骨玉為容想筠籠今宵歸夢滿頰天漿
更御冷風

前調

嚴仁

一聲水調解蘭舟
人間無此愁
無情江水東流去
與我淚爭流
人已遠
更回頭
苦凝眸
斷魂何處
梅花岸
曲有小紅樓

酒泉子

又一體雙調

四十五字

酒泉子

司空圖

買得杏花十載歸
來方始拆
假山西畔
藥闌東
滿枝紅

旋開旋落旋成空白髮多情人更惜黃昏把酒祝東
風且從容

前調

毛文錫

綠樹春深燕語鶯啼聲斷續惠風飄蕩入芳叢惹殘紅
柳絲無力裊烟空金盞不辭須滿酌海棠花下思朦
朧醉春風

散餘霞

謝朓詩餘霞散成綺調

名本此雙調四十五字

散餘霞

毛滂

牆頭花蕊寒猶噤
放繡簾晝靜簾外時有蜂兒趁楊花
不定 闌干又還獨凭
念翠低眉暈春夢在斷人腸更
懨懨酒病

好女兒

一名繡帶子一名繡

帶兒雙調四十五字

好女兒

黃庭堅

小院一枝梅衝破曉寒開
偶到張園遊戲沾袖帶香回

玉酒覆銀杯盡醉去猶待重來東鄰何事驚吹怨曲
雪片成堆

前調

曾覲

瀟灑隴頭春取次一枝新還是東風來也猶作未歸人
微月淡煙邨漫佇立惆悵黃昏暮寒香細疎英幾點
儘耐銷魂

前調

又一體

黃庭堅

春去幾時還桃李無言燕子歸栖風動梨花雪亂西園

惟
有月嬋娟似人人難近如天聽教清影常相見更
乞取團圓

憶悶令

雙調四

十五字

憶悶令

晏幾道

取次臨鸞勻畫淺酒醒遲來晚多情愛惹閒愁長黛眉
低斂 月底相逢見有深深良願願期信似月如花須
更教長遠

一落索

落或作絡一名玉連環一名洛陽
春一名上林春雙調四十五字

一落索

呂渭老

宮錦裁書寄遠意長詞短香蘭泣露雨催蓮暑氣昏池
館向晚小園行徧石榴紅滿花花葉葉盡成雙渾似
我梁間燕

綵鸞歸令

雙調四

十五字

綵鸞歸令

張元幹

珠履爭圍小立春風趁拍低態閒不管樂催伊整朱衣
粉融香汗隨人勸玉困花嬌越樣宜鳳城燈夜舊家
時數他誰

卜算子

又一體雙詞

四十五字

卜算子

徐俯

天生百種愁挂在斜陽樹綠葉陰陰占得春草滿鶯啼

處 不見凌波步空憶如黃語門外重重疊疊山遮不
斷愁來路

御選歷代詩餘卷十一



總校官庶吉士臣張能照

校對官檢討臣王福清

謄錄監生臣宣葆光